

Silva.

Opera publica.

Langelandia.

Lawlandia.

Soli fertilitas.

Opida.

Falstria.

Opida.

Aria.

Elisia.

Sinus.

Silva.

alter Tecklenburgensis interempti sunt, quorum cadavera postea loco pugnae effossa, Ottonium delata, & in templo Canuti sunt sepulta. Circa idem etiam tempus in monte Faulcheburg, qui 1. milliaris intervallo distat ab Opido Ascens, aliquot rusticorum millia caesa sunt atque profligata. Multis praeterea Silvis ornatur haec Regio in quibus Ferarum magna copia. In urbe Ottonio duo sunt Tempia insignia, unum Canuto, alterum Francisco consecratum. In hoc Ioannes Rex anno Christi MDXIII, & filius ejus Christiernus, cum in exilio & captivitate annos xxxvii consumpsissent, anno MDLIX. sepulti sunt: circa illud forum est valde amplum & spaciosum, in quo Rex Daniæ cum Ducibus Holsatiæ & Slesvici antiquum foedus anno MDLxxx renovavit. Ferunt etiam Ottonii matrem Regis Christiani secundi, mirabile & artificiosissimum opus, ingeniosa sculptura in ligno formatum super altare quoddam apud Minoritas collocasse, cujus simile in Europa non invenitur. Atque hæc de Fionia, nunc ad Insulas transeamus. Sub Fionia continentur Insulae nonaginta ad Meridiem sitæ, pleraque habitabiles, quarum illustriores contra Vandalicas civitates objectæ hæc sunt: *Langelandia*, *Lawlandia*, *Falstria*, *Aria*, *Alsa*, *Tosinga*, *Aroe*. *Langelandia* vulgo *Langeland* milliaria septem Germanica in longitudine habet. In hac Opidum est *Rudkepinga* dictum, & *Tranekera* arx regia, suntque in ea complures pagi, parochiæ & procerum ædes. *Lawlandia*, freto *Gronsfund* a Zelandia & exiguo maris trajectu a *Falstria* separata. Hæc Frumenti & Avellanarum Nucum est adeo ferax, ut naves eis onustæ plures in provincias deferantur. Opida habet quinque, quæ sunt *Nistadt*, *Nasco*, *Togrop*, *Rotbus* & *Maribus*: præterea Arces aliquot Regias, procerum ædes, paroccias & pagos multos. *Falstria*, longa est quatuor milliaria Germanica, ac Civitates habet *Stubecopen* & *Nicopen*, quæ Daniæ Neapolis ob amœnitatem, ac præstantiam dicitur. Ex hac Insula juxta Regis prædium, frequens in Germaniam trajectus, qui septem est milliarium ad Warnemundam. Plurimum Frumenti annuo proventu vicinis locis suppeditat. *Aria* sesquimillari ab *Elyfia* distans, silvis convestita, ac proinde gratos venatoribus præbet recessus, tres habet parochias & aliquot Nobilium curias, cum Opido & Arce *Koping*. Cum *Elisia*, ad Ducatum Slesvicensem spectat, Ducique Ioanni paret. *Elisia* five *Alsa* vulgo *Alsen*, mediocris magnitudinis Insula, nam quatuor milliaria in longitudinem, duo in latitudinem patens, non magno intervallo a Ducatu Slesvicensi separata, marinum recessum, ac Sinum Flensburgensem *die Flensburger Wick*, respiciens, a primis Anglorum sedibus eodem sinu determinatur. Monet nos Rantzovianum Musæum, Romanos, Insulares hosce *Elisios* nuncupasse. Quemadmodum & eos, qui proximam colunt Insulam, *Arios*. Quam eandem hoc tempore appellationem retinent. Ptolemæus perhibet, Anglos antiquissimos esse terrarum Septentrionis, ad Oceanum Incolas. Quibus Tacitus conjungit *Elisios*, *Arios* & *Monimos*. Quorum jam quoque nomina, iis locis in usu sunt, *Alsen*, *Arr*, *Moel*. Opidum in *Alsen*, five *Elisia* est *Sunderburgum*, & ejusdem nominis Castrum, cum aliis *Norburch*, *Osterholm*, *Die Holle*, *Gammelgard*. Parochias habet populosas decem & tres, unde aliquot armatorum millia subito dare potest. Saltuosa est, quare Cervorum & varii generis Ferarum venationem præbet. Quemadmodum & marinos dulciumque aquarum Pisces, atque Siliginem. Et quia passim compascua, rei pecuariæ fovendæ idonea.

Tassinga